

# 佛說文殊悔過經

作九

西晉三藏法師竺法護譯

聞如是一時佛在羅閱祇者闍崛山中與大比丘衆俱比丘千二百五十菩薩無央數一切大聖神通已達逮得揔持攬十方慧立三脫門曉了三世無所罣礙班宣三寶救濟三

一

趙良富

界開演三乘使曉本無無上正真

爾時文殊師利菩薩遊羅閱祇者闍崛山與

諸菩薩不可稱計諸大弟子天龍鬼神捷沓  
憩阿須倫迦樓羅真陀羅摩睺勒等眷屬圍  
遶而爲衆生廣說經法開演分別志三乘學  
其來聽者本學聲聞尋問文殊四聖諦事學

心不能諮啟文殊師利淨除因緣一切罪蓋  
修學大乘至無上道

時彼會中有一菩薩名曰如來齊光炤耀見  
諸新學菩薩心念志懷猶豫不能自決則前  
白問文殊師利無罪之事悔過之義無失勸  
助誣請無過不違誘進

緣覺者則已自問十二緣起深奧之事學大  
乘者則從已行諮詢啓受六度無極四等四  
忍善權方便無極大道或問神通四無放逸  
四等心行諸分別辯菩薩之道三十七品不  
退轉地超入寂滅或問上界悔過之處十地  
十忍十分別事十瑞十持十印十三昧定或

有問於不壞諸法入于一義無從生忍  
文殊師利各隨所問而發遣之可悅其心令  
無餘疑

爾時會中有諸新學發意菩薩而來聽受不  
能將護罪福之緣陰蓋所覆而爲虛妄狐疑  
所蔽習在顛倒無勇猛志依倚形色抱怯弱

文殊師利即答如來齊光炤耀菩薩是旋姓  
子菩薩大士欲除罪業奉行平等入於過去  
當來現在佛法五體投地尋復起立右膝著  
地口自說言一切衆生從於左路著於右道  
其在邪見悉當立之於賢聖法欲化一切衆  
生之類皆至無上正真平等之道以是之故

右膝著地當宣此言猶若如來至真等正覺  
詣於道場坐尊樹時蠲除一切衆惡之法諸  
善普備吾亦如之觀首遍體以手摩之  
重以右手而指于地吾當降魔并及官屬若  
得佛道令一切人衆生之類消伏魔事及外  
怨敵坐佛樹下指地要誓成佛聖慧如本世

作九

二

尊右手指地降十八億諸魔官屬以是之故  
所以右掌而按著地

以當左手按著於地又趾左膝口說此言假  
使有人住愚癡法所受顛倒而不順義懶悞  
難化不成好器慳貪垢穢而處危害皆毀同  
學今者識道改往修來而皆諦受於四恩行

作九

三

俗之人生長五蓋以此功德自然棄除五蓋  
之蔽具足五根究竟五力絕滅五欲逮得五  
通遠離五陰成就五眼其在五趣衆生之類  
獲致殊特五法之行禁戒差特三昧智慧修  
於解脫度知見事以是五體投地之德陰盡  
以消住根力者常念如來未曾捨懷

復說此言諸佛世尊惟垂恩慈而見愍念於  
是一切十方世界所有菩薩上至諸佛慧無  
量礙其行不二奉於平等將護法相以法身  
體清淨之言無有解說鮮潔之心而無有心  
一切諸法慧無陰蔽無來無去於一切智悉  
愍普見等入如來證明要義過去當來今現

是以左手及與左膝著地矣

假使頭腦著於地時口演此言使一切人棄  
除貢高自大之心孝順父母奉敬尊長若干  
種養當以逮得無能見頂佛之髻相越度一  
切世間諸法身過三界慧踰虛空今吾自歸  
以是五體投地禮德使諸衆生至成大道世

在法識知罪福因緣之報諸佛世尊乃爲聖  
眼其慧成就悉能證明爲人重任備精進已  
吾從本際至於生死於真諦際而自迷惑不  
能敏達無所識知處在非法興於法想違犯  
正律以爲律想非是衆祐爲衆祐想興發不  
善以爲善想心隨顛倒不了無常苦空非身

自貪見身諸惡罪業所爲非法不順典約佛  
所禁限自犯此罪若教他方當所作罪蓋  
塵勞不聽聞法憎惡菩薩聖衆之業不奉道  
教見諸魔事遠波羅蜜諸度無極若人布施  
抑令不爲壞人德本使不成就吾今皆從十  
方諸佛世尊光曜悔過自首不敢覆蔽令除

其殃改往修來從今已後不敢復犯勿復令  
我有衆罪蓋墮於地獄餓鬼畜生鬼神貧窮  
若在人中莫令乏匱設在天上勿爲貧天博  
達衆經莫貧於道財業豐饒莫使厄匱用七  
法財以給少智眼耳鼻口身意陰蓋斯侵親  
屬心懷因緣若生邊地家室鬪諍而相別離

臭惡瑕穢而不可忍莫與如此眷屬共會常  
使應行正士俱會而與相見今從十方諸佛  
悔過改往修來不敢藏匿

文殊師利言當復自責我前世時行不清淨  
毀身口意姪怒愚癡興心爲害放訛謔詬多  
求無狀積累惡業誹謗輕調毀佛法衆不孝

父母懷於尊長衆祐凡人曠其功勲不能自  
覺輕智慢聖自歎其身求他長短既身自犯  
又勸他人其順行者教令越法不知佛時不知  
法時不知僧時不知善惡時深沒貪婬瞋  
恚所沮愚癡所蔽不能精進嫉妒不實凶暴  
難化多所志慕計住吾我處人壽命興五趣

念乞求合集懷詣諛想積累無限非法之行  
自計有身念是我所無常爲常想苦爲樂想  
無身爲身想不淨爲淨想墮四顛倒種於惡  
業醉於形色迷於財業惑於傲貴荒於國位  
亂於眷屬所作過罪見觀諸佛聞所說法不  
肯諮詢受不供聖衆離於德本捨度無極而忘  
作九

四

道心違失三寶若復棄捐無盡正業無量功  
德及不可盡聖慧辯才所欲自恣從惡知識  
遠於善友從十方佛自首悔過改往修來不

敢藏匿

文殊師利復曰當自悔言我前世時志於下  
劣所遊土地而興誓願毀塔大乘遏斷正教

勸從邪徑誹謗正法佛所班宣深妙之典若干種教抑制法輪使不通流若自身犯設教他人勸助非法破壞塔寺敗亂聖衆散縣聚落毀大國土若危城邑謀害帝主害於種姓內外親屬若復傷殘他人身體令生瘡痏絕其命根閉於牢獄若教人殺其心迷荒常懷

狐疑教人猶豫說他罪殃使不順戒處於邪

見從異道教反其政行自懷怨心亂他人意令必瞋恚所作過罪若身自犯及教他人皆從十方自首悔過佛世光明惟蒙見濟改往修來不敢藏匿

文殊師利曰當復悔過言我身前計有吾我

言是我所見顛倒住於貪婬心者無本而想有心不能明了心如幻化也其本自然不能

分別諸佛之法發於無上正真道意而欲觀見道之處所一切諸法悉無所有而反言有其身口心所作善惡皆從十方諸世光曜自首悔過改往修來不敢藏匿

作九

五

吾往本時所行布施持戒忍辱精進一心智慧不解三昧住顛倒見若布施者望想求報心念所取護於禁戒想我他人修於忍辱心倚著身奉於精進住於衆想興發禪定念應不應而想有人樂于放逸貪求智慧志慕歸道謂有處所皆從十方世光悔過改往修來不敢藏匿

吾往古時不能曉了正真之義供養於佛而反倚求色相莊嚴八十種好雖奉事佛不能入於法界無所壞法亦不曉了無所住法而住諸法想法若干設聞經法若講說者思惟所趣而不分別無爲之法計於聖衆而有數想供養聖衆亦起希望皆從十方世光悔過改往修來不敢藏匿

吾往古時希望諸法求空處所遊於閑居限節知足少欲爲德不能識知一切法空心無所著爾乃可謂靜處宴坐於法界不能解達法界無受及衆生界亦無所受及依吾我

立僻沉沒不能行道而計有人不修四恩當救衆生亦不能濟亦不曉了佛道自然相亦自然於三十七道品之法見有五趣而倚求望不知寂然沙門之義出家所修奉受具戒依比丘行如是及餘所造德本因其德本獲致安隱有爲之福與無爲安超絕遠不與

道合皆從十方出光悔過吹往修來不敢藏匿如過去佛諸天中天本爲菩薩奉行道時皆悔諸罪墮礙陰蓋吾亦若茲當來現在諸佛世尊本所修改我今悔過亦當如是向尊自首歸命於佛爲上爲長最勝殊特無上之德爲無等倫諸佛聖慧巍巍無量悉知一切世

乃能得入於斯本際無想之際無形相際無有二際無陰蓋際無所得際無身之際離欲之際無所習際無所行際無墮礙際無所歸際無所由際是則名曰菩薩大士自首悔過無有罪害得至佛慧滅除一切休息殃疊墮礙之蓋

界所有衆塵諸數而得自在普能曉了衆生心念吾等之身從無央數阿僧祇劫所行迷惑而自放逸悔一切罪陰蓋之患如爲己身所悔殃疊及爲地獄餓鬼畜生在於五趣一切衆生罪所蔽者今吾皆以五體禮虔而爲悔過曉了微妙除諸限礙已能遊入觀一切

作九

六

法譬喻虛空所可悔者無罪無報亦無塵染已入諸法無罪蓋者乃爲名曰悔一切過是族姓子菩薩大士往古結縛一切所行衆念妄想財業因緣所受依倚而住處所皆當悔過若使於中如此色像所受思想行不平等當令明了一切無本假使一切無所行者

光明之曜爲衆將帥賈人大導以是如來十  
種之力尋發意頃令得莊嚴四無所畏三十  
有二大人之相八十種好如來音響八部之  
聲明識如來善權方便入衆生心佛之弘廣  
無上大慧在於法界禁戒清淨無有缺漏而  
兩諸法金剛章句不捨一切羣生之類則不

作九

七

退轉究竟得至於一切智諸通之慧興正真  
心於諸佛法而無所著以諸德本勸助諸佛  
過去當來今現在佛本行學道從初發意至  
於無上正真之道成最正覺於此中間所顯  
德本如佛所教一切諸法則無根源亦無所  
住所放捨者而無所施本性清淨禁戒鮮潔  
乃無所犯衆生盡索而無所起乃曰爲忍靜  
默無作乃爲精進其心自然而無所生乃爲  
一心度無所度不越駛水棄諸邪見乃爲智  
慧入於深遠十二緣起而無所入乃可堪任  
名爲玄妙明達行空乃爲慈心作無所作乃  
曰爲哀不行諸法乃曰爲喜若越四瀆而無

吾皆以此勸助歸趣不退轉輪等御至佛所  
以如來具足莊嚴成就其身則以此義演文  
字說隨諸衆生言語音響爲分別解所可領  
宣摩不周徧無能抑制所以如來於十種力  
常得自在以慧莊嚴而得成就示現一切諸  
佛變化無上無極最尊無比爲無等倫我皆  
勸助如是法行

其有過去當來現在諸佛世尊本清淨身而  
解自然悉不可得所言清淨其心清淨亦不  
可得無所發遣供養諸佛於一切法無所將  
護乃爲護法無德無衆爲供養僧皆已備悉  
威儀禮節亦以成就一切諸行其行如是并

及餘事而曉去來現在諸佛道慧平等等行  
佛法不誤墮於一切衆魔不與諸法而俱同  
塵不著聲聞辟支佛地斷絕諸非奉度無極  
遠得揔持修菩薩行速近於道悉能報答衆  
生所言恣隨衆人之所欲啓各令得所常住  
平等所行由己莊嚴一切諸佛國土辯才光

作九

八

曜歸于清淨斷諸惡趣三昧自在恣隨一切  
衆生所爲得諸揔持靡不照明辯才聖達皆  
當從已則以所發一切智心悉用勸助諸佛  
道慧

其諸過去當來現在遠得佛道無有衆漏戒  
定慧解度知見事周旋諸力無能退轉緣無

作九

九

所畏諸佛之法無所堅礙其無極慈行無等  
倫其大哀者不戴仰人等如虛空無能察頂  
無二功德報應之想清淨蠲除迷惑之心而  
自莊嚴其身口意諸天釋梵普來勸助敷演  
道教而轉法輪棄去無智不達神識化諸衆  
生建立佛慧吾悉勸助使至於佛無上大道

其有去來今現在佛臨滅度時善權方便威  
神建立流布舍利令人供養攝取一切衆生  
志性從始至終乃能至于正法滅盡我皆勸  
助所可勸助志於佛慧無上大道去來現在  
諸佛世尊現於滅度合會聲聞過諸聖礙導  
御篤信解法界味導御法念度於八邪所謂

八等住於無爲種姓之地其種姓衆而反其  
流至須陀洹二反周旋爲斯陀含歿此生彼  
不復迴還爲阿那含無爲無起無所復進爲  
阿羅漢分別曉了深妙緣起十二之因爲辟  
支佛目悉通見慧靡不達者爲諸菩薩初發  
意者心等如地普入衆行所行真諦窮盡生  
死諸法之源具足佛法爲不退轉於一切生  
而無所生乃能逮入一生補處講說宣揚無  
所有慧而奮大光諸所德本悉無根本亦無  
所住吾悉勸助如是像法志於佛慧無上大道  
其有去來及今現在三世之中衆生之類淨  
諸佛眼所可布施不計吾我無所貪愛所作

功德禁戒無盡不可限量所修道義其行無行所有功德悉以勸助諸佛之慧無上大道而不差別等無所損清淨離穢猶如虛空入

於殊妙智慧衆聖則爲最上導御衆義精進行法自然如空真實無比亦如無爲更無有侶以是勸助取要言之如去來今諸佛世尊

本爲菩薩行求道時所行無量智度無極善權方便無所罣礙真實之行善修清淨行清淨已證取佛慧所可勸助衆德之本方當勸助吾當學此所尊修法而効勸助志於佛慧無上大道使諸衆生如十方界滿中諸塵身所行事一切見佛悉令發心不可計會解於

是族姓子菩薩大士勸助佛慧順而無失乃至大道

復次族姓子菩薩大士所住如此深妙大義然後口宣斯之言教其有十方不可稱計諸佛世尊在其世界逮得無上正真之道成最正覺曉了經典過於四魔逮成無獲慚怕之

法皆離文字應聖二事如所遠法而復觀察善權方便示現受法開化所應可度衆生不失大哀誓首請問樂於靜寂觀彼佛樹爲諸天龍神捷脊想所見咨嗟解了音響言語文辭爲一切說若立此行則能降伏魔及官屬化諸怨敵令無刺棘所曰刺棘三毒之謂具

作九

十

足所願輒如所念滅除朦冥則成世間無極弘曜聖慧之明入於無量分別聰達道靡不通其智慧輪莫能遏毀行權方便暢識一切衆生根本爲說經法莫能抑制而皆斷絕一諸法便勸德本如爲己身所可勸助亦復勸助一切菩薩開化衆生俱復如是等無差特

投地稽首諸佛尊敬歸命爲勝爲殊爲最第

一爲無等倫無有過上不有譬喻無可爲侶  
佛之智慧如是難及觀無二際我如此禮乃  
爲禮佛無所從生亦無所至爲忍辱禮首悔  
殃豐以贊首佛悔過自歸殃罪消索雲除日  
出假使無量十方一切所有世界滿中衆塵  
如此之數衆生之類口所宣說發心之頃思

念諸想不可計會勸助諸佛令轉法輪此諸  
世尊轉無上輪至無二輪無有形相無成就  
輪不可得輪裂壞一切魔羅網輪久遠已來  
覺無從生逮致大道而悟起輪開化衆生嚴  
淨十方諸佛土輪於一切智多所摧伏力無  
能勝入此道輪曉了於空無相願輪無所行

輪亦無所生無有起輪悉無所有如真諦輪  
所可成就無所成輪有可降伏無所度輪深  
奧微妙解於十二緣起之輪破壞衆魔却外  
敵輪消除迷惑怨賊撫不可逮無極法  
鼓亦復吹於無言法螺則亦豎立法慧之幢  
而智聖慧解脫大明而炳然熾無極錠燎尋

作九

十一

則雨於無量甘露法滴之水可悅衆生及賢  
聖智無上大道以正七覺而飽滿之滅盡一  
切衆生之類生老病死愁憂啼哭惱不可意  
結綱之礙杳冥掩蔽樹之根栽故曰然於智  
慧之明無極大燈則隨衆生本所爲業罪福  
果報各爲現說是諸世尊在於無數不可計  
會十方世界而作佛事善示法律不斷言教  
諦分別慧亦復授於諸菩薩別堅住聖衆開  
化衆生求於玄妙寂然無爲啓受經典而無  
厭足諸佛大聖欲滅度者我悉勸助令不滅  
度專志一心所行安隱順住法界而常永存  
無央數妙不可稱計阿僧祇劫教化衆生住  
六波羅蜜所度無餘苦人不度終不捨去普  
令入於諸揔持門皆見一切諸佛三昧因行  
之始若種正義立於大定勸志大乘遣至一  
切諸佛世界而爲顯示諸佛世尊從無所生  
轉逮成道現有所生實無所生其無所滅亦  
復如是乃有所滅自然寂靜悉無所著是爲

族姓子菩薩大士勸助佛慧而無罪疊文殊師利言已能如是悔所犯過當發無上正真道意常以慈心向於衆生不懷怨結已無怨結請召三界勸助一切衆德之本誓首諸佛歸命悔過勸助轉法輪示現無量所建立德則當興發薩雲若智諸通敏慧十方世

界無所係屬奇珍異寶華鬘雜香擣香澤香燈火衣服幢蓋繒綵妓樂不敢自鳴宮殿浴池河海泉源日月光明無君王者亦無敢名吾目自見而心取此持以貢上諸世光曜佛天中天以此衆養奇寶異珍奉事諸佛三界所有天上世間七寶樹木自然瑰奇華香天樂牀卧復上諸佛供養已訖曉了諸佛解一同等諸佛無二無有形容三十二相八十種好而現相好善權方便示無量色有所演說音聲遠聞化無數身不可計像於諸世界而無所處不住法界以懷誠信因緣解脫所可供養奉侍之德以貢諸佛是諸世尊於諸法

作九

十二

界而不動搖不得諸度無極處所入無罣礙所至無際察於衆生五陰之體猶如曠野而無有主悉無所有不曉了此唐爲憂患化衆生類志薩雲若諸通之慧普入衆行取如來身所入行者悉捨有無顯現衆生人之境界使無惱慢轉佛法輪無有放逸皆棄調戲抑制衆魔人民志性不可限量斷除諸根爲現無量一切衆生處諸羅網而以道力廣示其義平等之事無陰蓋本亦不動搖悉皆興發宣示普門具足逮成薩雲若慧淨修諸佛功德之德莊嚴其身供養舍利以此燈香衆華雜馨諸所供具衆養之德以貢諸佛世之光曜如諸菩薩過去佛時若干供養心無所著以貢諸佛吾亦如之建立勸助惟諸大聖垂以大慈見愍納受文殊師利曰復次族姓子菩薩大士所住若茲當說此言吾所悔過則虛不實所可勸助亦無所生所可請問亦無所有計此可悔虛

無實也設我所勸無所生者所可請問無所有已道亦如是虛無所有其無所生無所有者等定亦如則無所生無有度者無著無念已無所著則能信脫無著勸助所首悔過功德之品計於道心一切衆生於無罪福而得自在本所勸助皆以德本供養一切諸如來

作九

十三

衆誓首歸命貢上燈香華蓋纓珞若干種物

所供養者取此功德皆爲一味清淨之行所

清淨者本性清淨鮮潔顯曜等一切智以爲天施無極之業仁和無穢等行於道所願合集當令歸趣如來之道則用勸助無上正真爲最正覺一切諸法無所勸助假使以眼不

起尋壞消散滅盡

彼以其心而造德本所可用心勸助行者發心展轉而不相見猶如燈光若晝日光無所從來無所從去適起生炎因緣合成忽不知處菩薩道心亦復如是智慧之明興顯德本亦無所住其如是像以法生者是爲名曰菩

薩勸助入於寂然受波得忍逮致聖光智慧

之曜

假使菩薩遊於是法心不樂行衆穢之元諸佛世尊以爲證明乃當勸助志於德本猶如諸佛智度無極善權方便所因聖慧令衆菩薩行於政德所說勸助吾亦如之而不動搖精進若此其道普至靡所不周承志性力所入無量亦皆棄除所應不應衆想之念設已得入衆性行者思念一切如來至真悉滅消散盡索亦無住處耳聲鼻香舌味身受心法所勸亦然意無有法諸所功德亦復如是勸助於道道無德本有從德本而興因緣因其所行而起心矣所發道心亦無所住適

世之垢穢裂壞羅網入於自試皆見十方佛天中天諸菩薩衆無有遺脫而不覩者念於去來現在諸佛悉爲一等則以德本勸助聖慧吾今勸助如無二界一切普至

今此德本亦復如是悉令周遍於諸羣生而得申叙皆使得入一切諸乘諸菩薩門所生

作九

十四

之地悉逮具足靡不覩念令其眼根皆見衆生究竟備悉無量佛事盡入耳根所可聽聞一切天人蜎飛蠕動音響言聲分別文字所暢浹慧處處別異教誨具足衆生所作諸業罪福所歸從其所行而見果實觀察三世去來今事曉了衆生善分別行解知所言而皆識練一切德本無本無住亦無所行乃爲具足諸度無極普見衆生而等尊御常以依倚無我本際一切世人悉欲樂往與共相見在於世間無所罣礙亦無坑塹得第一度思惟達入斷一切法皆得通入於諸法界亦無所壞其所遊居微妙真際

其有衆生在諸苦惱令入佛土觀諸刹土悉是人界逮得明眼普見十方悉承一切諸佛聖德索察羣黎心性所趣開導制御罪蓋所爲如所執特悉爲示現成就自在所奉道業順無從生不乏四等四恩六度以濟窮厄令至弘廣殊特之慧衆生志性各異不同而使具足所欲志願令無顛倒得可其心使懷悅豫勢力奇特而無有侷心已得開遠成正覺目見衆生性行所趣各教化之示現究竟使菩薩行永存不斷令諸衆生一切備悉六度無極住於正道使無有餘過去當來及今現在諸佛世尊皆誨衆生與得是處無上大道供養奉事志性和雅具足往詣使得通入無所行法經道之論一切刹土衆生徑路有身形者皆開化之清徹悅豫令不墮落目見諸佛奉養歸命

作九

十五

以是德本覩一切色如見佛形而皆等觀十方刹土則能嚴淨諸佛國土等察一切諸天

人民蚊行喘息人物之類諛詭虛僞猶如幻化普悉了斯解無所有等視三世一發心頃靡所不入一切諸法雖各別異等無若干入於道力令一切法至一平等治無相好等解善權察衆生心從其志性委靡而隨應病與藥等授無上正真道慧超度世俗諸所爲作

清淨鮮潔歸于平等洗除衆生塵勞結恨穢濁志操使徹清明歸此平等便得歸於一切諸佛悉一法身逮成莊嚴志習於此柔順之法遵修其行精進勢力慤懃不懈欲有所度以此德本使十方人一發意頃普達衆生解告人民諸菩薩行皆令合集言語辭意以一

發言出無數教示現衆生善權方便一心念

頃各令見聞平等道門變化感動靡不蒙濟轉於法輪舌能覆面上至梵天音聞遐方如來身者顯現道門歡悅衆生以一普安演於無量若干光明佛道巍巍無有斷絕一時顯揚口宣十方五趣之處示佛變化悉令遊居

具足德行爲諸衆生而訓誨現

於斯德本修於無量揔持之門入於光明巍巍之慧令一切具靡不成就人民所行衆德本者志性各異使入揔持光明之慧其有諸天一切人民憂愁苦惱爲除衆患悉入揔持光明之曜一切諸論文字本際入於揔持光

明之曜一切諸行諸想所應悉入揔持光明之曜使致普門諸根轉輪使入揔持光明之門一切莊嚴清淨衆飾使入揔持光明之門一切徑路衆好咸神以悅衆人悉入揔持光明之門無所罣礙揔持諸法歸趣若干無數威曜悉使具足皆令一切諸佛之法悉逮得

作九

十六

入揔持光明

以是德本由此因緣悉爲諸佛所見攝護視於諸佛如見父母則以攝取佛之國土修治嚴淨爲諸善友所見攝取恭敬奉事諸佛世尊以若干種愛樂欣悅心無變異而不可動攝取衆生成就教誨愛護一切諸惡趣則以

聖威斷煩惱根攝取諸世顯發行執懷善教  
一切典所開化者無導御攝取諸法欲以執  
持諷誦之故

用斯德本因此緣執住於一事普見衆事住  
於衆事悉見一事則以一事入一切事以一  
切事入於一事則以一義告誨開化一切諸

義以一切義興發一義以無因緣入於諸緣  
化於諸緣令入無緣以無事法入于衆生性  
行各異從其相行而教誨之以無有想入於  
諸想諸未進者悉令人道入諸有想而誘進  
之使入無想

以是德本因此事故由斯瑞應住於一人舍

氣之類心性之行普見一切衆生意歸住於  
一切衆生志性則覩一人心意所趣究竟具  
足廣大其意所誨無限以一人心勸化宣示  
一切衆生意志所念以一切心興發一心則  
以諸佛威神威勤教化如應開解一切衆生  
之行誘一人心勸入一切衆生意行以一切

心勸入一心化衆生界勸進暢示佛身光明  
心存住於無人之際於無人際則不動搖所  
建立處不捨衆生逮度無極而不懈倦  
以是德本修此事故住一佛土普見一切諸  
佛國界住一切土覩於一土於一切土入無  
盡土於無盡土入於一土無盡本際莊嚴校

飾還淨國土訓誨所入斷婬怒癡靡所不散  
住於一土教化諸土在於諸土誘進一土一  
切衆生所念思想勸至方面發起人民令一  
刹土入一切土以一國土入於一切無量佛  
土等見三界衆生所興不可動故以無極哀  
開化人民而無處所亦無所住若懷狐疑悉

濟猶豫度衆生類  
以是德本以過去事入於過去又以過去入  
於當來又以過去入於現在其當來事入於  
當來入當來事入於過去當來事者入於現  
在又現在事入於現在又現在事入於過去  
一切過去當來現在入平等相令其現在入

於現在其現在者入於過去其去來今昔入平等

以是德本因緣之報逮得諸佛現在目前三昧要慧致成佛德聖衆如來三昧正定逮致光明華如來所化莊嚴三昧皆莊嚴淨所現三昧示一切色所現身三昧皆入諸音言辭

三昧又首楞嚴現若干種般泥洹事獲致不斷佛教三昧而當成就專一嚴淨三昧究竟善住三昧定意金剛道場三昧如金剛三昧慧明三昧以是之比見於一切衆生之心所行若干志操不同過去當來今現在事無所不達乃爲如來三昧道場各別異令致于

彼神通之慧所願具足

以是德本吾及衆生悉使成就進退自由究竟清淨被蒙開化

以是德本一切衆生日之根源使如佛眼一切世間衆生所在諸可聞者逮興佛耳其聽無極使衆生鼻得如佛鼻通徹無際悉無所

著令諸衆生舌根德殊逮得世尊廣長之舌其所教誨如佛之言處在一切世間之法所作身事所可興發皆成佛身處在一切法界之中亦無所處化於衆生一切所行作佛慧業從其人民志性所願應病與藥而開化之一切諸香則能變爲佛之德馨薰爲道事一

切諸味則能化成成習義味一切細滑柔和內性入人義業一切諸法皆以訓導使成道法開化衆生是爲一切諸所入者吾當今成諸佛所入通達大慧人民陰蓋諸所情衰吾當興法消化諸衰爲作佛事當使諸界悉爲佛界所有諸根令無有根使乏根者爲立道根以是德本因此緣故得至建立無所住慧聖道所處所可建立普令人民皆悉曉之化一切色悉成佛形由是之故各各使人曉了其慧變諸音響悉成佛聲皆爲人民宣布道教如是之比使諸衆生消除盡索塵勞欲門乃爲菩薩入諸菩薩療治其行道法之門是爲

清淨一切人民志性事矣可悅衆生智慧之宅入無勝地勢力之土菩薩道行下於應時而不違失身行口言意所修業無所壘不有危害無所藏匿班宣諸佛之言教也行不虛妄逮得神通所知具足

以是德本當令我身及諸衆生悉得成就至

作九

十九

於清淨爲人講說是爲菩薩大士所行勸助佛慧真諦無失

文殊師利說是五體悔過品時五百菩薩皆悉逮得無所從生法忍皆以除棄狐疑猶豫虛偽閉結倒見之惑如來齊光照曜菩薩逮得一切諸佛無所破壞三昧之定

如盲得日聾者得聽瘡者得言跛者能行塞者得通五陰自消六衰則滅昇於法堂入于道室超慧臺閣處大聖殿

何謂法堂佛言神通已暢無所壘遠三達智何謂道室佛言得三昧定見十方佛如人照鏡無有遠近周遍悉見何謂慧臺佛言智度無極解一切空心無所著大慈大哀何謂大般佛言善權方便進退知時不在有爲不處無爲與法身合無合無散現形三界化爲佛身相好威容班宣道教或爲菩薩聲聞緣覺高士大聖凡夫愚行因時開化度脫十方莫不得濟至于大道

佛說如是如來齊光照曜菩薩賢者阿難諸天龍神阿須倫世間人民莫不歡喜作禮而退

佛說文殊悔過經

二千末

作九

於是世尊則以道耳遙聞文殊師利之所講說尋以讚曰善哉善哉仁快說此除諸菩薩墨礙罪蓋勸助入道若有菩薩儻聞說此勸助教者即能奉持諷誦講說如是不久皆當滅盡一切罪蓋令無墨礙如燈及燭入於冥室衆間消索猶如日出照于天下靡不蒙明

上羊反輕調下從牘一許沮才呂遇於葛塘癡  
宋反下音駛史使瀆見上於僻反亦疊許近將帥上率去聲  
樂反下音讀音澹薄下字青淡薄下反兀白反上音  
刺棘上二音使讀音澹泊憺怕徒上二字青淡薄下反兀白反上音  
鋌燎影上居七音曉音炳然丙上音  
燈音彫反正居七音曉音炳然丙上音  
女只作力力反照下法螺羅下敢反兀白反上音  
反古力庭反火火反法螺羅下敢反兀白反上音  
係計音冥冥正上作煙羅下敢反兀白反上音  
王回反俱背脊晚音炳然丙上音  
坑漿下上反根栽音下上音

二經合卷

法律三昧經  
十善業道經

# 法律三昧經

吳月氏雙婆塞支謙譯

聞如是一時佛遊於摩竭提國與大比丘衆  
俱及諸菩薩四部弟子天人龍神一切大會  
佛言有法律三昧菩薩學者當以和順調其  
情性深入微妙不得輕慢所以者何未深入  
者不識三學功德厚薄或以放恣失其本意  
當知是輩有十二事自墮大罪終不可悔何  
謂十二

謂十二

有人學道不得明師見聞未廣亦自貢高欲求名字謗善薩法以爲不要妄造譁說言我師說既已自墮復墮他人此如彌猴毒羣之喻但欲害彼不知還自殺是一自燒有人學善薩法藏得聞深經未曾問師不知義趣自用隨意及以輕慢成就苦薩是二自燒有人學深經中道更墮弟子學者毀笑大